

**PETIKAN TULISAN
SUCI UNTUK
DIHAFAL:**

"Dan semua orang akan melihat keselamatan yang dari Tuhan."

(Luk. 3: 6)

**AYAT SUCI
MINGGU INI**

Bar. 5: 1-9;

Maz. 125: 1-6;

Fil. 1: 3-6, 8-11;

Luk. 3: 1-6.

"Tuhan telah melakukan perkara-perkara besar bagi kita, kita penuh dengan sukacita".

Kita mengingati belas kasihan dan kebenaran Allah dalam bacaan pertama. Allah menghiburkan orang Israel yang akan dibawa ke pembuangan sebagai tawanan ke Babel. Nampaknya tiada masa depan untuk mereka di negara asing dan mereka tidak tahu bila mereka akan melihat tanah air atau keluarga mereka lagi. Allah mendorong mereka dan memberitahu mereka untuk tidak berduka-cita. Dia berjanji untuk memulihkan martabat mereka, bermahkota dan berpakaian seperti putera raja dan berjalan dengan selamat dalam kemuliaan, keadilan dan belas kasihan-Nya.

Begitu juga, Allah tidak melupakan kita. Dalam belas kasihan-Nya kepada semua manusia, Dia akan meluruskan dan melancarkan jalan kita dan membawa kita kepada sukacita kekal bersama-Nya di surga. Pada ketika ini, marilah kita berfikir untuk saudara-saudara migran kita yang ada di tengah-tengah kita. Walaupun tidak sama, keadaan mereka serupa dengan orang Israel. Bagaimana kita bertindak balas kepada mereka?

Kita juga diingatkan tentang kasih Allah kepada kita, yang tidak kurang daripada kasih yang Santo Paulus ungkapkan untuk umat di Filipi. Doa orang-orang kudus, ibu bapa, paderi, sahabat dan masyarakat kita dicurahkan untuk kita agar kita dipenuhi dengan sukacita, pengetahuan dan kebijaksanaan, dan kekudusan tidak dapat menggerakkan kita untuk menolak sifat dosa kita dan menjangkau Tuhan dalam kerendahan hati dan pertobatan.

Bersama-sama, marilah kita mencantohi sifat Allah untuk berlaku adil dan berbelas kasihan kepada masyarakat, memikul tanggungjawab sosial kita untuk keperluan dunia dan Gereja, menyuarakan kehadiran-Nya di antara kita. Immanuel. Kita adalah saksi dan pemberita kedatangan-Nya seperti Yohanes, tidak ada kurang. ♦

Newbec

NEW WAY OF BEING CHURCH

Hari Minggu Adven Ke-2

HARAPAN: PERCAYA, HIDUP DAN MEMBERI

TEMA BULANAN: **JANGAN TAKUT,
AKU MEMBERITAKAN KHABAR GEMBIRA KEPADAMU**

ALLAH TIDAK MELUPAKAN KITA



Dalam musim penantian ini, kita memuji dan bersyukur kepada Tuhan kerana memanggil kita kepada pertobatan sambil kita menanti kedatangan-Nya di antara kita dengan sukacita. **Marilah kita diingatkan bahawa di saat kita sedih dan berputus asa, Allah mempunyai kata-kata semangat untuk kita.** Kita adalah orang yang penuh harapan dan sukacita, sentiasa, supaya kita tidak lupa, kerana kita mengimani kepada Allah yang kita percayai. Bersama pemazmur, kita bersorak dengan kegembiraan,